

Jerúsalem, quæ ædificátur
ut cívitas : * cujus partici-
pátio ejus in idípsum.

Illuc enim ascendérunt
tribus, tribus Dómini : *
testimónium Israel ad con-
fiténdum nómini Dómini.

Quia illic sedérunt sedes
in judício, * sedes super
domum David.

Rogáte quæ ad pacem
sunt Jerúsalem : * et abund-
dántia diligéntibus te :

Fiat pax in virtúte tua : *
et abundántia in túrribus
tuis.

Propter fratres meos, et
próximos meos, * loquébar
pacem de te :

Propter domum Dómini
Dei nostri, * quæsívi bona
tibi.

Psalmus 126.

NISI Dóminus ædificáve-
rit domum, * in vanum labo-
ravérunt qui ædificant eam.

Nisi Dóminus custodíerit
cívitatēm, * frustra vīgilat
qui custódit eam.

Vanum est vobis ante
lucem súrgere : * súrgite
postquam sedéritis, qui man-
ducáatis panem dolóris.

Cum déderit diléctis suis
somnum : * ecce heréditas

Dómini filii : merces, fructus
ventris.

Sicut sagittæ in manu po-
téntis : * ita filii excussórum.

Beátus vir qui implévit
desidérium suum ex ipsis : *
non confundétur cum loqué-
tur inimícis suis in porta.

Psalmus 146.

LAUDATE Dóminum quó-
niā bonus est psalmus : *
Deo nostro sit jucúnda, de-
córaque laudátio.

Ædificans Jerúsalem Dó-
minus : * dispersiónes Israé-
lis congregábit.

Qui sanat contrítos cor-
de : * et álligat contritíones
eórum.

Qui númerat multitúdi-
nem stellárum : * et ómni-
bus eis nómina vocat.

Magnus Dóminus noster,
et magna virtus ejus : * et
sapiéntiæ ejus non est nú-
merus.

Suscípiens mansuétos Dó-
minus : * humílians autem
peccatóres usque ad terram.

Præcínite Dómino in con-
fessióne : * psálite Deo
nostro in cíthara.

Qui óperit cælum núbi-
bus : * et parat terræ plú-
viam.